



ՆՈՐ ՏԱՐԻ



Մենուորյան գիրկը սուզվեց 1946 թվականը: Նա նշանավորվեց որպես հետպատերազմյան խաղաղ շինարարության ու ժողովրդատնտեսության ծավալուն վերականգնման առաջին տարի:

Սովետական ժողովուրդը հայաբազմ իր հաղթական նվաճումներով ու ինքնավստահ թելակոխեց նոր տարին. նա լի է վեհականության 1947 թվականը նորանոր փառապանծ գործերի, նորանոր հաղթական նվաճումների տարի դարձնելու:

Դարերի խորքում անհետացող 1946 թվականը մարդկային պատմության տարեգրության մեջ հանդիսացավ խոշոր իրադարձություններով հարուստ պատմական մի տարեթիվ:

1946 թվականին մարդկության առաջ իր ամբողջ հասակով ծառացավ աշխարհավեր պատերազմից խաղաղ շինարարության անցնելու բարդ ու դժվարին խնդիրը: Պատերազմի հետևանքով երկար տարիներ խաղաղ աշխատանքից կտրված միլիոնավոր մարդիկ իրենց զինվորական համազգեստը փոխելով նորից կանգնեցին դազգահների կողքին, հերկել սկսեցին անծայրածիր դաշտերը, իջան հողի ընդերքը, մտան գլխահետադուռական լաբորատորիաները: Սկսվեց երկարատև, դժվար ու ծանր պատերազմի հասցրած խորը վերքերի արմատական բուժման, ֆայֆայված ժողովրդատնտեսության, ավերված ու դեռ ծխացող գյուղերի ու քաղաքների վերականգնման հերոսական աշխատանքը:

1946 թվականը հանդիսացավ նաև երկր-

ների ու ժողովրդների միջև տևական խաղաղության հաստատման տարի. ազատասեր ժողովուրդները իրենց բոլոր ջանքերը գործադրեցին ստեղծված խաղաղությունը տնվական դարձնելու համար:

Այսօր էլ դեռ պատերազմի նոր հրձիգները ջանք չեն խնայում մարդկությանը հրելու դեպի նոր աշխարհակործան պատերազմի անդունդի եզրը, պատերազմի ուրվականով բունավորելու նրա խաղաղ ու ստեղծագործ աշխատանքը. սակայն աշխարհի խաղաղասեր ժողովուրդներն, իրենց ավանգարդում ունենալով ազատասեր ու խաղաղասեր սովետական մեծ ժողովրդին, մարդկության փրկության նավը, հակառակ պատերազմի հրձիգների բոլոր փորձերին, անվարան կերպով առաջ են տանում դեպի բոլոր ժողովուրդների խաղաղության ու բարօրության նավահանգիստը:

Հանրամայտ է, որ պատերազմից ամենից շատ տուժեց սովետական երկիրն, իր ուսերի վրա կրելով պատերազմի ծանրությունը: Սովետական մարդիկ պատերազմի հաղթական ավարտումից հետո անմիջապես և աշխատանքային մեծ էնտուզիազմով ձեռնամուխ եղան երկրի ժողովրդական տնտեսության արագատեմպ վերականգնման գործին. նրանք հերոսական նիզեղով վերականգնել ու վերականգնում են գերմանական զավթիչների կողմից վայրագորեն ավերված գյուղերն ու քաղաքները, գործարաններն ու ֆաբրիկաները, կոլխոզներն ու սովխոզները, միաժամանակ առաջ, վերելքի նոր աստիճանի վրա մղելով երկրի արդյունաբերությունն ու գյուղատնտեսությունը: Սովետական ողջ

ժողովուրդը ստեղծագործ աշխատանքի շտեմելով ավարագործություններ է արձանագրում: Ապշեցուցիչ արագությամբ կյանքի են կոչվում մոտիկ անցյալում ավերակների փլակույտների վերածված ու մանվան դատապարտված գյուղերն ու ֆաղաֆները: Այնտեղ, որտեղ դեռ մոտ անցյալում հրանոթներն էին որսում, մահ սփռելով իրենց շուրջը և ավերակներն իշխում տիրաբար, այսօր հաղթականորեն վեր են խոյացել գործարանային հիաստանչ շենքերը ու աշխատանքային շրտող աղմուկն է տիրում ամենուրեք: Կոլխոզային լայնածավալ դաշտերից, հողի ընդերքից, գործարաններից, գիտահետազոտական լաբորատորիաներից ամեն օր բազմաթիվ հաղորդագրություններ են ստացվում տնտեսության, գիտության բնագավառներում սովետական մարդկանց տարած նորանոր հաղթանակների, նորահոր նվաճումների, աշխատանքային սխաղագործությունների մասին. նրանք իրենց անձնագոն աշխատանքի շնորհիվ անխոնջ կերպով առաջ են մղում, զարգացման նոր ռելսերի վրա փոխադրում ժողովրդական տնտեսությունն ու գիտությունը: Սովետական ժողովուրդը նոր տարին դիմավորում է լարված աշխատանքի, հետպատերազմյան ստալինյան հնգամյակի առաջին տարվա աշխատանքների հաղթական ավարտի պայմաններում, հնգամյակի բազմահազար նորակառույցների աշտարակների վրա:

Պատմության գիրկն անդարձ սուզվող 1946 թվականը նշանավոր տարեթիվ հանդիսացավ նաև հայ ժողովրդի պատմության համար. սովետական ժողովրդների մեծ ընտանիքի լիիրավ անդամներից մեկը՝ հայ ժողովուրդը ևս ջանք չխնայեց ժողովրդատնտեսության է՛լ ավելի ծաղկման ու բարգավաճման, հետպատերազմյան ստալինյան հնգամյակի նորակառույցների շինարարության համար. քակոխելով նոր տարին, այսօր հայ ժողովուրդն մի առանձին հպարտությամբ է հայացք նետում հետպատերազմյան հնգամյակի առաջին տարվա գործող նորակառույցների վրա, ինչպիսիք են Երևանի մահուդի գործարանը, կաթնի գործարանը, Կիրովականի կոշիկի ու տրիկոտաժի ֆաբրիկաները, Շամշադինի ֆերմենտացիոն գործարանը, Գորիսի տրիկոտաժի ֆաբրիկան, Ստեփանավանի օսլայի գործարանը և ուրիշ շատ նշանակալիքներ: 1946 թվին նոր վերելք ապրեց նաև Հայաստանի

գյուղատնտեսությունը. միլիոնատեր կոլխոզների շարքն անցան տասնյակ նոր կոլխոզներ: Գիտությունը, արվեստը քակոխեցին ծաղկման ու զարգացման մի նոր վերելքի շրջան: Հայ ժողովուրդը նոր տարին քակոխում է Հայկական ՍՍՌ Գերագույն Սովետի ընտրությունների առթիվ ծավալված նախապատրաստական եռուն աշխատանքների օրերին, հետպատերազմյան հնգամյակի առաջին տարվա աշխատանքները հիմնականում լիովին ավարտած:

1946 թվականը նշանավորվեց հայ ժողովրդի կյանքում տեղի ունեցած պատմական մի խոշոր իրադարձությամբ: 1946 թվին հայրենի հաղափառ հողի վրա ռաֆ դրին հայրենադարձների առաջին կարավանները. տասնյակ հազարավոր աստանդական ու վտանգալի հայեր, հայրենիքի կարոտը սրտներում օտար հորիզոնների տակ երկար դեգերելուց հետո, վերադարձան իրենց իրենց օրրանը, ընդմիջող բոքափելով իրենց ոտներից պանդխտության փոշին:

Այսօր նրանք հայրենիքում, իրենց հաղափառ եղբայրների հետ միասին, մեծ ոգևորությամբ կերտում են իրենց կենսախիղճներկան ու երջանիկ ապագան: Հարազատ հայրենի դաշտերում, գործարաններում, հետպատերազմյան հնգամյակի նորակառույցներում, արվեստի ու գիտության ասպարեզներում նրանք իրենց ջանքերը միախառնում են հայրենիքի եղբայրների ջանքերին:

Շատ նոր տարիներ են նրանք դիմավորել հայրենիքից հեռու, օտար ավերում ու միջատել հայրենիքի կարոտը սրտերում մտնող սլացել դեպի Արարատի ստորոտում ծաղկող հայրենիքը, երազել այսօրվա երջանիկ օրը և անա առաջին անգամ նրանք նոր տարին դիմավորում են ոչ թե օտար, անհաղաղ հորիզոնների տակ, այլ հայրենի նվիրական հողի վրա, նրա լազուր երկնակամարի ներքո, հաղափառներով շրջապատված: Անհուն է հայրենիքի գիրկը դարձած մեր եղբայրների ու բույրերի, սովետական նոր ֆաղափառների երջանկությունը ու անսահման նրանց վստահությունը իրենց ապագայի նկատմամբ:

1947 թվին, աշխարհի զանազան ծայրերից ժամանելով, հայրենի սրբազան հողի վրա ռաֆ կոչվեց տասնյակ հազարավոր նոր հայրենադարձներ: Թող օրհնյալ լինի նրանց հայրենադարձի նամբան:

1946 թվականը Հայ Եկեղեցու կյանքում

նշանավորվեց նրանով, որ Մայր Աթոռի ու սփյուռքում ցրված բեմերի միջև 1945. թվի Ազգային-եկեղեցական ժողովում հիմք դրված կապերն ավելի քան սերտացան: Հայ եկեղեցին արտասահմանում իր բոլոր ուժերը ի սպաս դրեց ներգաղթի հաջող կազմակերպմանը, բազմապիսի աջակցություն ցույց տալով հայրենաճալափի սրբազան այդ մեծ գործին: Հայ եկեղեցին այսուհետև շրջապատող եռանդով կշարունակի իր աջակցությունը բերել ազգահավաքման, սփյուռքում ցրված պանդուխտ հայության

հայրենիքում համախմբման գործին: Վեհափառ Հայրապետի 1946 թվի կոնդակներն ու շրջաբերականներն այդ առթիվ Հայ եկեղեցու համար արտասահմանում գործողության ծրագրեր հանդիսացան, մեծ շափով նպաստելով թե՛ Հայ եկեղեցու միասնականության և թե՛ ներգաղթի գործի սատարման:

Մաղրենեք, որ Աստուծո աջակցությամբ նոր տարին, 1947 թվականը, դառնա ժողովուրդի միջև տևական խաղաղության հաստատման, ժողովուրդների երջանկության ու բարօրության տարի:

Շնորհավոր նոր տարի և ծնունդ:

